

王義士輞川詩鈔



王義士輞川詩鈔

纂 澣 王

王雲五主編

王雲五主編

王雲五主編

中華民國二十八年十二月初版

朱

纂者 王

澐

發行人

王

長沙南正路

雲

五

印刷所

商務印書館

發行所

商務印書館

各埠

(本書校對者楊伯屏)

四五四〇九上

本館據藝海珠塵
本排印初編各叢
書僅有此本

王義士輞川詩鈔卷一

王

漢寯

漢字勝時晚號僧士原名溥江南華亭人明貢生初在幾社爲陳子龍弟子子龍授命漢收葬之有輞川草文無草及遠遊記雲間第宅志

五言古詩

三子詠

往余與邵子景說徐子惠朗張子處中同作詩我師陳先生稱爲四子焉景說青門之作惠朗心
穎之吟處中檀齋之章鄙人輞川之詠各有篇什未遑問世乙酉遘亂邵子先逝丙丁之際先生
廬居偕余三人復有倡和未幾先生蒙難徐子客死桐山二子年僅三十餘耳余與張子浮沈三
十餘載年皆踰六十辛酉張子客死宋城悲夫感念舊遊各賦一章魏文有言旣痛逝者行自念
也

邵明經景說梅芬

邵子珪璧姿矜情標孤尙湛思契冥默敷華結元暢高彈流水音獨發期口賞存古稱君詩勝轅文零落青門瓜遺

簡增惻愴余藏君詩一卷

徐茂才惠朗桓鑒

徐子南州彥神鋒表英卓心期叶箕穎陳先生以偉長目之題其堂曰心穎有詩集機鑒負荀郭君好稱三國人物龍眠道孔修鴻冥

慕寥廓。一劍余不忘。九京安司作。

張明經處中宮

張子韞祕略。嶽崎邈潛修。伐檀勵安節。

有檀齋詩集

濯纓俟清流。荒蕪三徑草。汗漫五嶽遊。悲哉宋子城。日暮

臨高丘。

二士詠

王伯子玠右。仲子名世。隱居終身。有蠱上九之義。可謂士矣。

王明經玠右光承

伯子殆庶英。韜光東海隅。被褐抱太璞。帶經時荷鋤。環堵間金石。有懷在黃虞。矯矯歲寒姿。皓首志不渝。

王茂才名世烈

仲子潛龍德。正中寄高尚。識度測淵渟。語默符爻象。履道終幽吉。葆真守真亮。至人貴無名。冥契將安仰。

婁東二張先生詩

二張先生者。張儀部受先。張庶常天如也。吳郡前有文姚。

文文肅公震孟姚文毅公希孟

後有二張。雖名位不齊。

而後先接武。海內清流。推爲君宗焉。崇禎甲戌。余年十六。始及二先生之門。儀部清裁峻烈。直同

孟博。庶常識度淵夷。望若林宗。竝稱倫鑒。欣遂師資。辛巳庶常蚤逝。余賦詩輓之。癸未遇儀部於

越中。亦有投贈之作。人之云亡。邦國殄瘁。偶簡舊什。不勝今昔之感。爲賦二章。

張儀部受先采

彭澤鮮宦情。浩然賦歸與。

爲臨川令。卽移疾歸。

負郭無車轍。偃息惟蓬廬。荒徑存松菊。枕席羅圖書。好事或載酒。屢

空亦晏如。訪道探禹穴。惠然止巾車。

以訪劉忠端公。講學至越。

微言便晨夕。撫時常歎歎。敢惜老馮唐。自歎失史魚。在越

語余云。與史道鄰同年。恨未識也。

板蕩王風歇。流離湖海隅。冰霜洵有節。金石永不渝。耿耿皦日心。悠悠詠唐虞。

張庶常天如溥

吉士千仞枝。德輝照琬琰。管邴敦同好。七錄肆閱覽。庶常與儀部同讀書於七錄齋。河南明水鏡。平輿高月旦。登門生羽

儀。同向增企羨。阿閣巢未安。東山情所玩。以忤時憂議。家居數年。香草徧巖阿。季女自婉孌。朝景條西頽。長夜何漫

漫。空求茂陵書。竟絕廣陵散。有詔徵其遺書。天道弗復論。蓬萊水行淺。庶常無子。歿時去甲申。僅三載耳。賞音負中郎。微名慙元

歎。余少與庶常同名。陳黃門亟稱焉。周勒苗寓書。庶常曰。此臥子所云。與兄同名者也。

延陵二君詠

昔東漢有三君之稱。光祿有五君之詠。民譽所向。春葩並榮。激揚之風。秋霜比烈。是以俊及跂而

弗逮。濤戎軼而不錄。斯爲彝好。豈曰阿私。同郡吳孝廉含文。吳茂才日千。延陵之秀民。人倫之碩

彥也。皆以潛德絕學。韜光葆真。微獨遠謝塵氛。抑亦道靡緇磷矣。孝廉卻軌東臯。今躋大耋。茂才

屏跡南浦。久已踰耆。而峻辭禮俗。并絕音徽。非所以崇齒德修憲乞也。不有誦述。何以風世。爰賦

短章。用存微尙。

吳孝廉含文

延陵表國望。先德樹駿烈。蔣山雲莽蒼。石城水幽咽。尊人司農公大夏考功作傳有傷孝子心。無忝所生節。素衣時霑灑。白帽蒙霜雪。束書悲手澤。徒步忘履決。田園亦將蕪。車馬久云絕。伏臘修古制。曾元森成列。安知魏晉年。長歎黃農沒。淳風雖繇邈。太璞靡利缺。駐景愛餘輝。言濟渭川業。

吳茂才日千

猗蘭馥中巖。白駒在空谷。入山何用深。逃名砥頰俗。幽人履坦道。修士好奇服。拂衣朝市塵。脫屣王侯祿。惟從仁祖餐。愛就林公宿。元言味秋水。湛思窮韋竹。貞疾協嘉邈。天機存淵穆。何人慕鴻冥。況乃辨龍伏。楚楚視蜉蝣。夢夢任蕉鹿。願從無懷民。渾然忘氏族。

昔友詠

崇禎初。吳中名士有應社七子之名。我郡周太學與焉。太學又與同郡夏考功。陳黃門。杜職方。徐孝廉。彭司李。復有文會。所謂雲間六子也。應社道廣。更名復社。遂爲當世所指目矣。歲在壬申。我郡有幾社古文辭之會。於時李內史顧徵君諸公倡和始盛。風雅之緒。以迄於今。余生也晚。及見先民。或年長以倍。或十年以長。雖潛見殊塗。後先謝世。皆一時接席誼兼師友之儔也。嘗念昔者各賦一章。若陳夏徐三公以及李內史存我。何職方愨人。別有哀挽。茲不重述。

周太學勒卣立獻

汝南人倫宗。大雅振羣彥。羽儀照八紘。搖落歲云晏。飲醇疑風衰。秋飈憐紈扇。俛仰黃墟游。山河起長嘆。

杜職方仁趾麟徵

杜陵起華胄。先覺乃樂羣。幽通渺衆慮。沈鬱耽元文。燕臺業未遂。鄴中聲彌聞。何當大藥成。促轡逐鸞輪。
公辛未登第。與陳夏諸公欲舉燕臺之社。未果。壬申途有文選之會。癸酉卒。職方登第後。余始升堂。以列敘名輩。故不敢遺焉。

李內史舒章雯

隴西曠世才。逸氣凌風發。慷慨緹縈義。沾灑河梁別。春秋有代序。金石無異節。空負子羽責。坎壈生悲咽。
是時陳李齊名。公以訟父冤。流落燕京。甲申父殉難。後歸葬。與陳先生別。復入燕而卒。嘗作髮賣文。以見志。

顧徵君偉南開雍

徵君早好道。凝神在無言。元義暢秋水。白賁樂邱園。海鷗自翔泳。孤雲時往還。浩蕩濠濮想。優游夷惠間。
彭司李燕又賓

徐太學聖期鳳彩

彭君雅任達。蕭散同玄味。欣遇自忘機。閒情夙所寄。來往多遺民。大隱亦傲吏。洵美嵇呂交。青雲施後世。
東海盛賢豪。仲子懷耿介。閉關蓬蒿中。棲慮雲霞外。銘背畏多言。觀井慎自愛。三復小宛詩。淵冰凜相戒。

君爲閩公弟。武靜兄。

盛茂才鄰汝翼進

盛子才不羈。天懷秉通簡。高閣俯流湍。嘉賓娛清晏。星落感知希。霜實悟時變。猶傳孔公書。惟發孝章歎。
謂閣公也。

朱庶常早服積

吉士儀紫庭。覽輝下千仞。不周忽崩摧。瑣尾鬱孤憤。乘桴道可從。哀郢天誰問。仲翔有知者。無遺青蠅恨。
宋待詔子建。存標太守尙木。微璧。

雙丁集建安。二陸同入浴。小宋守南海。大宋附東郭。出處各有志。著述聯華鄂。大業在文章。千秋終有託。
所著有錄。郭新詞。

昔友後詠

余旣賦昔友九章矣。復憶平生朋好。年齒相亞。零落殆盡。次第疏之。得如干人。皆五十年來懷鉛摘槧之友也。再賦短章以賡前什。其他義合嚶鳴。未親翰墨。雖景同岑。不敢攀附。若邵子景說。徐子惠朗。張子處中。各有專詠。玠石名世已賦。二士張子子服。夏子存古。別有哀挽。俱不重述。

翁茂才扶九起鵬

翁伯杜德機。泊如守玄默。披帷得斯人。縱橫羅墳籍。譚詩入重淵。研精忘漂麥。遂絕伯牙琴。咸抱鍾期惜。
陳夏諸先生見其文。皆爲歎絕。

陸茂才亮中涵昭

我生始舞勺之子方橫經投分遂忘言一言畢平生車馬絕窮巷圖史列南榮壯遊悵難再淺水觀大瀾
君嘗游園
亂後始歸

宋茂才人峩卓

宋子蘊古義志約道彌敦風雨貞同好棲遲安衡門便腹寧見嘲如雲匪思存一經嗟莫傳天道奚足論

陳茂才子威爾振

陳子擅玄理微言探幽蹟逍遙祇樹林偃蹇維摩室垂老愛窮交撫今話疇昔永懷採芝翁商顏邈難卽
傳南目君爲
四皓之一

杜太學徠西駿微茂才端成甲春

我思杜陵人少從竹林游大阮瑤華姿小阮青雲流早凋惜淑景晚節悲凜秋安得凌風翰招君歸南樓
徠西高樓余輩觴
詠處也端成先逝

楊茂才范友時琦

楊子美修能深致雅自喜翰墨有餘思羅綺不勝體嚴霜先秋零矚靈條西逝離離蔓草間埋樹情何已

徐茂才元宣煒

徐子隱東海抱質同握瑜結契意纏綿造次度委蛇敦舊砥薄俗味道甘遠時終此季生諾冥冥良有知
君嘗索
余詩

張明經子退密

張仲湖海士豪氣軼古今。蹉跎圯上書。伊鬱蘆中吟。伏櫪嘆遲暮。倦羽思故林。爲君發孤憤。要離知此心。
君歸自虔州。余歸自楚。遇於吳門。賦詩有相逢却在要離墓之句。

徐茂才武靜致遠

徐子魁然姿。聲華馳八極。脊令當在原。飛鳴不遑息。飄風無終朝。危巢同拊翼。始信烈士心。不異魯陽力。
武靜閣公弟也。

宋中丞轅文徵輿

宋子蘭臺雋。天藻輝東壁。御李早升堂。遊陳偕入室。蜃化物本感。豹變遘時革。一遺西河悲。頓悟無生益。
君早從雪嶠大師遊。嘗註內典。晚有西河之痛。

張少參子美安茂

張子本鳳毛。早發桑弧志。陶朱未忘情。美言若可市。宥坐閣常理。行野匪異視。達人齊物我。引媿桓生伎。
君夫人余從姑也。

范太學樹鏃彤弧

范子志倜儻。閱覽若性成。丘索窮稗野。短長雜縱橫。西尋河湟塞。東遊元菟城。牢落燕市中。悲歌涕沾纓。
林茂才平子子襄

林子篤好學窮年恆砭砭有時擷香草幽光散綺席狂簡不受裁忿狷終嬰疾長往將何之言返羅浮宅
君工於詞本於嶺南

陶孝廉冰脩傳

陶子仗奇氣磊落樹貞翰慕義有遺風急善不遑飯同聲應吳越小巫驚河漢飄渺赤城霞長夜白石爛
君少游越晚爲天台廣文感憤而卒歸葬白石山

周太守宿來茂源

周子開文囿蒐獵方及時大言盛雕績小言紛迷離元瑜致翩翩康成擅經師至今處士星猶照隴上碑
君嘗從陳先生游越復授夏子經後出守處州州上應少微星

李茂才公寧苞根公峻大根

二子同仙根風雅研四始龍門宗李膺鹿門訪徐庶年少謝朝華老驥空遠馭隕籀隨風吹唱和誰予汝
二子存我從姪閻公門人

張明經子固安苞茂才于周世揚

清河三世交中歲諧夙契既在紀羣間彌深管邨誼余從道山歸君歸道山去華屋如生存敢忘須友意
子固爲先大父門人後同其嗣于周與余讀書須友齊余游閩歸子固父子相繼去世諸友中子固齒倍長以同學差晚故次第及之

顧茂才子韶家駿

顧子稱夙慧。無雙並江夏。考功早授館。內史欣方駕。好我居南村。西窗風雨夜。後事付鍾君。我徒敢自暇。
君爲夏考功館甥。與存古同學。近授經于余。家十餘載。君年少于余。故有荀公達之歎。

蔣侍御大鴻平階

咄嗟杜陵人。亦是悲秋徒。乘桴一何勇。移山豈云愚。搖落惠文冠。流離滄海隅。魯陽不可作。視此白日徂。
先師門人。年七十客死。會稽杜陵其別字也。以下續詠俱繫以年。

曹茂才魯元思邀

譙國老遺民。鬚如蝟毛磔。結友傾原陵。嗜古羅金石。醉向黃公壇。晚入支公室。買王喜得羊。墨池重生色。
近代書家。惟君有二王法。年八十諸友中享年最永。

林茂才武宣子威

林子野鶴姿。高步凌青雲。珪璧砥無瑕。龍鬚奪其文。薄游知者希。末疾悼斯人。猗嗟廣陵散。安得老尼聞。
年六十有二。

林明經安國子卿

林子冠五常。晨星獨落落。百代供網羅。窮年探邱索。交輕叔牙金。義重季布諾。爲君謝逋客。元亭未寂寞。
著述史學。晚始成書。兄弟五人。君長而獨壽。年七十有四。

錢太學子璧穀

東海有逸民。逃名名相逐。言授伏生經。終辭曼容祿。長安非我鄉。平津非我族。邈矣江漢思。浩然遂初服。
君嘗自號東海逸民。久客大名。成相國家。自楚屬里。年七十有九。

郁孝廉選士繼垣

郁子介如石。絕塵身守靜。貞松歷歲寒。孤鶴濯清冷。月出照青毡。頽然形贈影。興至一揮觴。人醉何必醒。
年八十有一。

陸孝廉集生慶錄

陸生奇偉姿。高視凌一世。蹉跎入洛年。激昂伏櫪志。遠山看幼婦。候門喜稚子。愛此百齡身。再聽尙書履。
七十餘。又舉一子。曾祖文定公。壽至百歲。年八十有一。

翁茂才子上起鶚

翁仲舞勺交。鄂韞相輝映。同席讓邴原。談詩來匡鼎。久謝朝市塵。遠發滄溟興。陽谷有餘暉。顧言樂駐景。
仲子與兄扶九。單子爲昂。皆余少時同學。

單孝廉爲昂頤

單子守道素。大樸存天質。羸服若不勝。安步度弗失。談元獨鼓掌。忘機每移日。禽慶問尙平。婚嫁何時畢。
年八十有一。

來友詩

我郡僻處海隅。舟車罕至。我生之後。風雅道興。應求所感。始有自遠方來者矣。百六之會。復有流寓焉。鄙性簡率。索居寡儔。下交投分。寥寥無幾。近或經時。遠或累歲。久要之誼。于今不忘。憶而記之。以當晤言。若乃楊中丞道在師資。孫司馬尊居先達。是爲君宗。非同蘭石。至於憑軾而來。接淅而去。傾蓋論交。記憶靡盡。俱不及焉。

淮陰郭茂才岱輿爲瑄

郭子淮海客。磊砢千人英。少緇勺象交。申之車笠盟。青雲陸機宅。白髮韓王城。思君折角巾。潸然涕霑纓。
崇禎初。君從其尊人來爲博士師。余定交焉。三十年後晤於淮陰。

豫章周茂才默而象成

周子豫章材。輪困被奇服。才握靈蛇珠。石剖荆山玉。黨錮耻西京。倫鑒名東國。何意章江濱。清流今濯足。
君少游我郡。識勒由子未知名時。及黔中楊中丞龍友先生來爲邑博士。延君授二子經。乃復至松。先生命余同學。君好談清流舊事。

黔中李孝廉卓如可立

李君生荒裔。特鍾山川英。登廟璫璜器。擲地金石聲。折旋若中矩。吐屬自成經。越臺邈何之。我將訪蓬瀛。
楊中丞妹壻爲餘暨廣文。亂後音問遂絕。

黔中楊都督愛生鼎卿司農貞生元卿

華陰驚驟貴。鱗翼爭飛揚。長者黃金印。少者尚書郎。愁雲迷北固。靈旗偃枯蒼。朝菌復何恨。東海亦栽桑。

二子皆中丞子。
同時殉難梧州。

白門盛山人白含丹琳玉琳

盛氏兩璧人。畫苑稱二妙。長齋事空王。澄懷觀至道。中丞虎頭癡。宗伯鄭虔老。見之皆歎絕。手題黃絹好。
中丞畫友。爲董文敏所賞。

元墓覃吉上人弘忍

西蜀老比丘。孤筇走吳越。香清曹溪水。秀削峨眉雪。顧我忽微笑。賦詩相贈答。年年鄧尉梅。花光照五葉。
中丞禪友。著五宗教。

松陵沈山人元子孟

山人氣如虹。遨遊州有九。淳于每絕纓。班書皆上口。感慨子公金。崎嶇襄漢寇。酒酣耳熱時。浩歌動牛斗。
沈子好讀漢書。嘗游楚遇寇作文紀之。

武陵陸茂才驤武彥龍

陸生足踣土。天矯致不羣。氣吐伍相潮。手弄三山雲。怒髮指慶卿。沉醉罵伯倫。漫言南越裝。空蹈東海濱。
客死閩中。

淮陰陳黃門階六台孫

楚州有酒人。風度河瀟瀟。避地來五湖。避世還金馬。羅襦醉一石。清歌傾三雅。何似高陽徒。使酒輒嫚罵。